

外... 龍... 聖... 頂... 祥...

龍坡山子茶

茶名錄

宋園國陶穀清臣著

龍坡山子茶

開寶中寶儀以新茶飲予味極美奩面標云龍坡山子茶龍坡是顧渚之別境

聖楊花

吳僧梵川誓願然頂供養雙林傳大士自往蒙頂采茶凡三年味方全美得絕佳者聖楊花吉祥蓋共不踰五筋持歸供獻

祥蓋共不踰五筋持歸供獻

湯社

和疑在朝率同列遞日以茶相飲味劣者有罰
號為湯社

纒金耐重兒

有得建州茶膏作取耐重兒八枚膠以金纒獻
于閩王曦遇通文之禍為內侍所盜轉遺貴臣
乳妖

吳僧文了善烹茶游荆南高保勉伯子季興延
置紫雲庵日試其藝保勉父子呼為湯神奏授
華定木大上人目曰乳妖

清人樹

偽閩甘露堂前兩株茶鬱茂婆娑宮人呼為清
人樹每春初嬪嬙戲摘採新芽堂中設傾筐會

玉蟬膏

顯德初大理徐恪見貽鄉信鋌子茶茶面印文
曰玉蟬膏一種曰清風使恪建人也

森伯

湯悅有森伯頌蓋茶也方飲而森然嚴乎齒牙

既久四肢森然二義一名非熟夫湯甌境界者誰能目之

水豹囊

豹革為囊風神呼吸之具也煮茶啜之可以滌滯思而起清風每引此義稱茶為水豹囊

不夜侯

胡嶠飛龍澗飲茶詩日沾牙舊姓餘甘氏破睡當封不夜侯奇哉嶠宿學雄才未達為耶律德光所虜北去後問道復歸

鷄蘇佛

猶子彞年十二歲予讀胡嶠茶詩愛其新奇因令倣法之近脫成篇有云生涼好喫鷄蘇佛回味宜稱橄欖仙然彞亦文詞之有基址者也

冷面草

符昭遠不喜茶嘗為御史同列會茶嘆曰此物面目嚴冷了無和美之態謂冷面草也飯餘嚼佛眼芎以甘菊湯送之亦可爽神

晚甘侯

孫樵送茶與焦刑部書云晚甘侯十五人遣侍
齋閣此徒皆請雷而摘拜水而和蓋建陽丹山
碧水之卿月潤雲龕之品慎勿賤用之

生成盞

饌茶而幻出物象于湯面者茶匠通神之藝也
沙門福全生於金鄉長於茶海能注湯幻茶成
一句詩並點四甌共一絕句泛乎湯表小小物
類唾手辦耳擅越日造門求觀湯戲全自咏曰
生成盞裏水丹青巧盡工夫學不成却笑當時
陸鴻漸煎茶贏得好名聲

茶百戲

茶至唐始盛近世有下湯運七別施妙訣使湯
紋水脉成物象者禽獸虫魚花草之屬纖巧如
畫但須臾即就散滅此茶之變也時人謂茶百
戲

漏影春

漏影春法用縷紙貼盞糝茶而去紙偽去花身
別以荔肉為葉松實鴨脚之類彌物為蓋沸湯

點攪

甘草癖

宣城何子華邀客于剖金堂慶新橙酒半出嘉
 陽嚴峻畫陸鴻漸像子華因言前世惑駿逸者
 為馬癖泥貫索者為錢癖耽於子息者為譽兒
 癖耽於褒貶者為左癖傳若此叟者溺於茗事
 將何以名其癖楊粹仲曰茶至珍蓋未離乎草
 也草中之甘無出茶上者宜追目陸氏為甘草
 癖坐客曰允矣哉

苦口師

皮先業最耽茗事一日中表請嘗新柑筵具殊
 豐簪紱叢集纔至未顧尊壘呼茶甚急徑進一
 巨甌題之曰未見甘心氏先迎苦口師眾嘖曰
 此師固清高難以療饑也